

Tī 創造物中看見上帝

自創世以來，人看 bē-tiòh Hit-ê 上帝 ê 本性，就是祂永遠 ê 大能力 kah 神聖，人若看 tiòh 祂所創造 ê 物就 ē-tàng 知影，所以，人 lóng 無辯解 ê 餘地。

(《全民台語聖經》羅馬書 1：20)

若是咱 lóng m̄-bat 讀過聖經，á 是聽過證道，koh m̄-bat 聽 tiòh 關係摩西，á 是先知，á 是耶穌基督 ê tai-chì，咱 iáu 是會知影上帝。Tī 廣闊 ê 太空，tī 肉眼看 bē-tiòh ê 原子，tī 人類複雜精密 ê 頭腦 kah 目 chiu，以及 tī 一個 gín-á 奇妙 ê 出世，咱 lóng ē-tàng 看 tiòh 上帝；所有，chiah-ê 創造 ê 奇蹟 lóng teh 顯示上帝。

咱想 beh 知一欉樹 á 是 án 怎 tùi 一粒橡籽成長，一蕊花是 án 怎開，á 是 DNA 是 án 怎塑造一個生物 ê 外表 kah 特徵。而且 kan-taⁿ 咱 ê 銀河系 tòh 有千千萬萬相當於日頭 ê 恆星，這對咱來講，根本是無法度了解 ê。

Tī chit-ê 寸尺規模 ê 另外一端，我 tī 高中讀 tiòh ê 「bē-tàng 分割 ê 原子」，hō 我感覺真驚奇；它真正是一個不可思議 ê 組合，由物質 kah 反物質組成，二個 tī 無仝 ê 方向 títg-séh，m̄-koh，有極大 ê 力量 kā in 掠做伙；有一 koá 亞原子粒子 ē-tàng 通過 kui 粒地球，方面 mā bē 偏轉。

有 ê 人 kā chiah-ê 物件看做只不過是宇宙 ê 偶然事件；in 主張宇宙有它宏偉 koh 美妙 ê 奧秘，m̄-koh 它無製造者。總是，咱若是真正 beh 知影是 m̄ 是有上帝存在，咱只要看咱 ê 四 kho 圍 tòh 會知。

創造 ê 事實本身 tòh 是上帝存在 ê 有力證明；這是咱 ē-tàng 理解科學 kah

信仰之間 ê 相關性 ê 基礎—根據意識 kah 知識。科學 kah 信仰，兩者 lóng 有轉變 kah 成長，tú 親像一粒細細 ê 種籽開花，變成美麗 ê 玫瑰花欉，甚至成做一欉大樹；咱對上帝 ê 信仰 mā 是全欉 tiòh án-ne 成長。

祈禱：親愛 ê 上主 ah，當我 tùi 祢 ê 聖經話語讀 tiòh chiah-ê 經節 ê 時，求祢 kā 祢 ê 智慧植入我 ê 心，hō 我 ê 信仰 ē-tàng 成長 koh 成熟。求祢教我，koh 挑戰我，來伸展我 ê 心靈界線，增加我帶 hō 其他 ê 人 ê 祝福，koh 擴大我赦免 ê 範圍。求祢用祢對阮 ê 疼，kā 我 ê 心 kah 其他信徒 ê 心結連做伙。我奉耶穌 ê 名祈禱。阿們。

(1997.02.02)